

Beenin Hadal ka soo Baxay Saliibiyaanta AFRICOM

25 Rabicul Awal 1447 H (17 Sebtember 2025) – Xarakada Mujaahidiinta Al-Shabaab waxay beeninaysaa hadal ka soo yeeray taliska saliibiyaanta Maraykanka ee AFRICOM kaas oo ay ku sheegeen in ay deegaanka Badhan ku beegsadeen xubin ka tirsan Xarakada Mujaahidiinta Al-Shabaab taariikhdu markii ay ahayd 13 Sebtember 2025.

Xarakada Mujaahidiinta Al-Shabaab waxay xaqiijinaysaa in shakhsiga ay saliibiyaantu ku duqeeyeen deegaanka Badhan uusan ka tirsanayn xarakada, isla markaana eedeynta ay usoo jeediyeen ee ah inuu hubka usoo iibin jiray Mujaahidiinta ay tahay been abuur aan sal iyo raad lahayn oo looga golleeyahay in lagu banaysto dhiigiisa iyo dhiiga waxgaradka Soomaaliyeed.

Maraykanku wuxuu leeyahay taariikh madoow oo ku astaysan gumaadka waxgaradka iyo haldoorka ummadda Soomaaliyeed, wuxuuna laga soo billaabo sagaashameeyadii ilaa maanta xasuuqay kumanaan shacab Soomaaliyeed ah oo iskugu jira dumar, caruur iyo waayeel, ayna ku jiraan waxgarad qiimo gaar ah u lahaa bulshada Soomaaliyeed. Marka laga soo tago inay been ka sheegaan gumaadka ay u geystaan Muslimiinta aan waxba galabsan, waxaa xusid mudan in Maraykanku cid kasta oo uu duqeeyo uu ku tilmaamo inay Mujaahidiin ahaayeen, xitaa hadi ay saliibiyaanta u adeegaan. Bishii Sebtember 2016 wuxuu Mareykanku duqeeyn u geystay maleeshiyo murtadiin ah oo ku sugnaa duleedka Gaalkacyo halkaas oo uu ku dilay 13 kamid ah maleeshiyadaas, isagoo ku sheegay inay ka tirsanaayeen Mujaahidiinta, balse markii dambe ay cadaatay inay ahaayeen murtadiinta ka tirsan maleeshiyada waxa loogu yeero Galmudug, arinkaas oo banaanka soo dhigtay been abuurka sheegashooyinka Maraykanka iyo marmarsiiyaha uu u sameeyo xasuuqa uu ka wado Soomaaliya.

Xarakada Mujaahidiinta Al-Shabaab kama gambanayso dagaalka ay ugu jirto sidii diinta, dadka iyo dalka looga difaaci lahaa damaca guracan ee saliibiyaanta hororka ah ee uu Maraykanku hormuudka u yahay, balse ma aqbalayso in magaceeda loo adeegsado si loogu banaysto gumaadka shacabka Muslimka ah ee Soomaaliyeed iyo waxgaradkooda, sida ka dhacday deegaanka Badhan. Waxaana tacsii u direynaa dhamaan ehelada Muslimiinta uu Mareykanu ku xasuuqay duqeymaha arxan darrada ah ee uu ka geysanayo Soomaaliya.



﴿وَلِلَّهِ الْعِزَّةُ وَلِرَسُولِهِ وَلِلْمُؤْمِنِينَ وَلَكِنَّ الْمُنَافِقِينَ لَا يَعْلَمُونَ﴾

“But honour belongs to Allah and His Messenger, and to the Believers; but the Hypocrites know not”